

**Clár um Chothú Feabhais le haghaidh na n-aonad**

**riaracháin / tacaíochta / seirbhíse**

**2002 –2003**

**Dréacht-theimpléad le haghaidh Tuarascáil Féinmheasúnaithe**

**Aonad XXXX**

**Coláiste Phádraig**

## **Réamhrá**

Aithnítear cothú an fheabhais ina chuid gníomhaíochtaí uile mar eochairchuspóir de chuid phlean straitéiseach an Choláiste don tréimhse 1999 – 2004 (L.5). Tá athbhreithniú rialta ar ghníomhaíochtaí uile an Choláiste riachtanach chun a chuspóirí a bhaint amach.

Do gach Aonad a bhfuil athbhreithniú le déanamh air, tá trí chéim sa phróiseas:

- a) Féinmheasúnú
- b) Athbhreithniú a dhéanfaidh grúpa saineolach agus aiseolas ó na rannpháirtithe
- c) Gníomhaíochtaí a leanann de bharr a phróisis

Déanfar na gnáthaimh athbhreithnithe a leasú gach bliain i bhfianaise aiseolais ó na rannpháirtithe. Tá sé i gceist ag an dréacht-theimpléad féinmheasúnaithe obair an fhéinmheasúnaithe a dhéanamh níos éasca. Déanfar athbhreithniú ar an dréacht-theimpléad tar éis gach timthriall den athbhreithniú feabhais.

**An sprioclá le haghaidh na dtuarascálacha féinmheasúnaithe agus na gcáipéisí eile a théann leo ná mí roimh chuairt an Ghrúpa an Phiar-Athbhreithnithe.**

Ba chóir go mbeadh sonraí faoin choiste comhordaithe, agus gearrchuntas den mhodheolaíocht a úsáideadh, i réamhrá bhur dtuarascála.

**Ba chóir achoimre feidhmiúcháin a chur sa tuarascáil leis.**

## **Clár-ábhar na Tuarascála**

1. Buneolas tosaigh faoin Aonad
2. Measúnú ar sheirbhísí an Aonaid
  - (a) Sainmhíniú ar sheirbhísí agus ar nósanna imeachta

- (b) Úsáideoirí na seirbhísí a shainmhíniú
- (c) Na slatanna tomhais chun cur i gcrích a mheas a aithint
- (d) Aiseolas ó úsáideoirí faoi fheabhas na seirbhísí (cumarsáid san áireamh)
- (e) Athbhreithniú ar chuspóirí agus ar a gcur i gcrích

### 3. Peirspictíochtaí na foirne taobh istigh den aonad

- (a) Forbairt foirne
- (b) Cumarsáid
- (c) Sástacht na foirne
- (d) Cumainn taobh amuigh den roinn

### 4. Fachtóirí eile

### 5. Conclúidí agus moltaí

### 6. Modheolaíocht

### 7. Ábhar breise

#### 1. Buneolas tosaigh faoin Aonad

Tugann an rannóg seo eolas cúlra faoi na coinníollacha ina bhfeidhmíonn an t-aonad, agus cuireann sí mar rannóg feidhmeanna an aonaid i láthair. Is féidir na nithe seo a leanas a chur san áireamh:

- Forbhreathnú gearr ar na seirbhísí a chuirtear ar fáil;
- Struchtúr eagrúcháin (liosta de fhoireann an aonaid san áireamh);
- Forbhreathnú gearr ar acmhainní (acmhainní fisiciúla san áireamh);
- Conas, agus cén uair, a d'fhorbair an t-aonad go dtí go bhfuil sé mar atá sé faoi láthair (m.sh. foireann nua, oifigí nua, méadú ar líon na mac léinn srl.);
- Forbhreathnú gearr ar nascanna le foireann, mic léinn srl.;

- Ról i gcomhthéacs níos leithne na hollscoile (m.sh. nascanna le ranna acadúla, aonaid eile riaracháin).

## **2. Measúnú ar Sheirbhísí an Aonaid**

### **(a) Sainmhíniú ar sheirbhísí agus ar nósanna imeachta.**

Is gá ráiteas soiléir a dhéanamh faoi cad a dhéanann an t-aonad sula ndéantar na seirbhísí a mheasúnú:

- Cuspóirí an aonaid (m.sh. tacaíocht a sholáthar don floireann acadúil agus do mhic léinn);
- Eochairghníomhaíochtaí (m.sh. torthaí na scrúduithe a phróiseáil, aistí a thabhairt ar ais do mhic léinn);
- Eolas a chuirtear ar fáil d'úsáideoirí (m.sh. eolas faoi thorthaí na scrúduithe).

### **(b) Úsáideoirí na seirbhísí a shainmhíniú**

Foireann acadúil; mic léinn; an pobal i gcoitinne; aonaid eile srl.

### **(c) Slatanna tomhais chun cur i gcrích a mheas**

Cad iad na slatanna tomhais gur féidir linn a aithint a chabhródh linn meastóireacht a dhéanamh ar chur i gcrích ár gcuspóirí?

### **(d) Aiseolas ó úsáideoirí faoi fheabhas na seirbhísí (cumarsáid san áireamh).**

Roinnt ceisteanna nár mhiste a chlúdach ná sástacht le seirbhísí, eolas faoi sheirbhísí atá ar fáil, cumann le foireann an aonaid, moltaí le haghaidh feabhsuithe...

- Foireann acadúil, aonaid eile, m.sh. grúpaí fócais, agallaimh
- Mic léinn – m.sh. ceistneoirí

### **(e) Athbhreithniú ar chuspóirí agus ar a gcur i gcrích. Ba chóir na nithe seo a leanas a aithint:**

- Láidreachtaí oibriúcháin
- Laigí oibriúcháin
- Athruithe a chuirfeadh feabhas ar oibriúchán an aonaid

- Cad atá ag teastáil chun na hathruithe seo a chur i gcrích – athruithe in aonaid / soláthraithe eile san áireamh? (Is dócha go n-aithneofar roinnt réimsí, taobh amuigh de smacht díreach aonaid, a théann i bhfeidhm ar shlí dhiúltach ar obair an aonaid.)

### **3. Peirspictíochtaí na foirne taobh istigh den aonad.**

#### **(a) Forbairt Foirne**

An bhfuil polasaí ann? An bhfuil meicníochtaí chun tacaíocht a thabhairt d'fhorbairt agus d'oiliúint phearsanta sa dóigh is go dtéann sí seo chun leas an choláiste ar shlí níos díri? Ba chóir sonraí faoi rannpháirtíocht foirne i ngníomhaíochtaí forbartha a sholáthar agus míniú conas a réitíonn siad seo le cuspóirí an aonaid. B'fhéidir go mba mhaith an áit é seo chun easnamh scileanna a aithint.

#### **(b) Cumarsáid**

Conas a sheachadtar eolas taobh istigh den aonad? Cruinnithe rialta? Cumarsáid idir an t-aonad agus réimsí eile den Choláiste? An sroicheann eolas ábhartha an t-aonad?

#### **(c) Sástacht Foirne**

Cad iad na nithe dearfacha a bhaineann le bheith ag obair taobh istigh den aonad?  
Cad iad na hábhair frustrachais?

#### **(d) Cumainn taobh amuigh den aonad**

Rannpháirtíocht i gcoistí, ballraíocht i gcumainn phroifisiúnta, nascanna le hinstitiúidí eile tríú leibhéal, institiúidí rialtais, an tsochaí i gciall níos leithne.

### **4. Fachtóirí eile**

Liostaítear anseo na fachtóirí a mbeadh gá, b'fhéidir, iad a ainm-sheiceáil (fiú mura mbeadh i gceist ach a rá nach dtarlaíonn dada sa réimse sin faoi láthair):

- Buiséadú
- Plean straitéiseach / forbartha

## **5. Conclúidí agus moltaí**

Achoimre de na láidreachtaí, laigí agus moltaí chun feabhas a chothú. Ba chóir ócáidí chun forbartha a aithint, agus ba cheart an leas a dhéanfar don aonad, don ollscoil agus don phobal i gcoitinne a sholáthar.

## **6. Modheolaíocht an Athbhreithnithe**

- Ainmneacha bhaill an aonaid a ghlac páirt san athbhreithniú
- Líon agus dátaí na gcruinnithe a bhí ag an aonad
- Roinnt na dtascanna ar bhaill an aonaid
- Méid na cumarsáide leis an bhfoireann nach n-oibríonn san aonad (m.sh. foireann acadúil Roinn an Oideachais)

## **7. Ábhar breise**

Ba chóir ábhair ar nós ceistneoirí, cairteanna achoimre srl a chur san áireamh anseo.